

Odbojkaši Slobode sutra igraju protiv ekipe 7 Lukavac

Nakon pobjede u prošlom kolu protiv Galeba u Brčkom, odbojkaši Slobode u 7. kolu Superlige FBiH – grupa Sjever, imaju teži zadatak, jer im u goste dolazi neugodna ekipa 7 Lukavac.

Tuzlaci su na drugoj, a Lukavčani na trećoj poziciji i bore se za play-off.

– Utakmica protiv 7 Lukavca je možda i odlučujuća za ulazak u doigravanje za prvaka. Dočekujemo ih oslabljeni u odnosu na jesenji dio prvenstva, jer smo ostali beziskusnih Zlatana Hasića i Abdula Kadrića. Pozivam sve ljubitelje sporta da dođu u nedjelju u Mejdan kako bi nas podržali, a mi obećavamo da ćemo dati sve od sebe kako bi napravili dobar rezultat – izjavio je za Tuzla LIVE trener Slobode, Nihad Zahirović.

Utakmica Sloboda – 7 Lukavac igra se u nedjelju od 19 sati u maloj dvorani Mejdana. (tl)

Date: 16-02-2019